

հեցաւ հրդեհ 'ի թաղի անդ և յաճիւն դատեաց զամենայն տեղիս, այրեցան և տունք Հրէից, և հոյակապ շինուածք մեծատանն՝ չգերծաւ 'ի վնասուց և եկեղեցին Հայոց, զի այրեցան շինուածքն շուրջանակի, և կղմինտիրքն կոխան լեալ ոտից փշրեցան, և զսեղանն կործանեցին այլազգիք, միայն ձեղուն եկեղեցւոյն զերծեալ էր 'ի խանցողաց, եւ այն եւս խախտեալ, ի նմին առաւօտու առաքեցին զմանա 'ի Ղալթիա և կոչեցին զԳրիգոր Պատրիարք, և նորա եկեալ դարձեալ սկսաւ քաջալերել և յորդորել զժողովուրդքն, զի վերստին ձեռն արկցեն շինել և նորոգել զայրեալ և զխախտեալ տեղիս եկեղեցւոյն, սակայն նիւթքն կարի թանկագին էին յայնժամ՝ զի հրդեհն աւերեալ էր զբազում տեղիս, 'ի Յունդարանէ մինչեւ 'ի կամարս ջրոց, այլ արհեստաւոր Ակնցի ազգայինք բնակեալ 'ի Սաս գիւղ, եւ այլք ոմանք երեւելիք անձինք 8 • ետուն իւրաքանչիւր ոք 800 կղմինտր, և այլք ըստ կարի իւրեանց, և մինչեւ յաւուրս երիս ժողովեցին 12,000 կղմինդր, և ծածկեցին զձեղուն եկեղեցւոյն : Տեսեալ այլազգեաց շարժեցան 'ի նախանձ, զի տեղիք նոցին, սակա նուազութեան նիւթոց, մնային տակաւին աւերակ, և կոչեալ դատաւորի տեղւոյն զեկեղեցւանն դան եհար գնա, մինչեւ եկն հրաման 'ի Բդեշխէն եւ լուեցին այլազգիք, շինեցին զամենայն տեղիս եւ կանգնեցին զսեղանն : Ապա խորհեցան սլատրաստել տեղի լուալեաց, և 'ի բրեւն երեւեցաւ ծայր գմբեթի միոյ, ծածկեցին զայն, և ձեռն արկին յայլ տեղի՝ մերձ նմին գտաւ շինուած մեծ լցեալ հողով, և դատարկեցին զմի անկիւնն նորին և եթ : Փոյթ քահանայից էր միայն օրհնել զսեղանն, զայլ կարեւոր սպասուցն չէր նոցա փոյթ : Օրհնեաց Գրիգոր Պարոն Տէր զՍեղանն հանդիսիւ եւ ինքն մատոյց զՊատարագն, և յորդորեաց զժողովուրդն լինել նուիրատու 'ի վճարումն պարտուց եկեղեցւոյն, արտնջէին զնմանէ քահանայք, զի ասաց վճարել զպարաս եկեղեցւոյն, և ոչ ասաց հոգալ զպէտս քահանայից, լուեալ զայս Գրիգորի եթող զափսէն, զոր ունէր 'ի ձեռին իւրում՝ ընդունիլ ըզպտուղս հաւատոց ժողովրդեան, եւ նոցա ունայն ելեալ գնացին իւրաքանչիւր 'ի տեղի իւր, և ստահակեալ ոմանց 'ի քահանայից դիմեցին 'ի վերայ Գրիգորի և նախատակոծ